

Was merr su babbeld

Honnes?
Was iss?
Was issen dess?
Was donn?
Dassde gleich Antwort gewwe dust.
Was iss?
Wo bisdden iwverhaupt?
Ei hier.
Wo hier?
Ei hier unnerm Disch.
Ei werklisch. Was mächsden doo?
Mich vor dir verstegele.
Brauchsde nitt.
Warum donn nitt?
Isch habbs Welscherholz nitt gefunne.
Dess iss gut.
Also: Was mächsden unnerm Disch?
Isch such ebbes.
Du suchst ebbes?
Ja, e Stecknoodle.
E Stecknoodle?
Ja, e Stecknoodle.
Suchsde die schunn long?
Ja.
Wie iss die donn unnerm Disch kumme?
Die iss merr erunnergefalle.
Was wollsden mett dere Stecknoodle mache?
E kloo Loch in dess Babier steche.
Ferr was donn e kloo Loch im Babier?
Ferrs Dorschgugge.
Wie, ferrs Dorschgugge.
Halt ferrs Dorschgugge.
Verstieh isch nitt. Isch gieh donn emol.
Wo giehsden hie?
Zum Bauer, e bissi Hei holle.
Hei holle? Ferr was donn dess?
Dassde die Stecknoodle finne dust.
Dess verstieh isch nitt.
Merr seet doch, merr sucht ...
... die Stecknoodle im Heihaufe?
Rischdisch.
Im Heihaufe kann merr koo Stecknoodle finne.
Du wärs halt de ersde. Jetzt kumm eraus.
Oh jeh, mei Kreiz.

Honne448

Dess kimmt defoo.
Vunn was?
Vumm Krawwelle unnerm Disch.
Villeischd iss die Stecknoodel joo fortgehibbd.
Wohie donn?
Ei newer de Disch.
Konn soi.
Wo sinnen moi Schlabbe?
Die hosde im Bad gelosse.
Was mächsden du jetz?
Isch such die Stecknoodel.
Losse leie.
Naa. Weil moie dusde enoi trete.
Autsch. Himmel noch emol.
Hannes, was iss?
Isch brauch nitt bis moie ze wadde.

Eiern Hannes